

韋 莊
徐 寅

浣花集卷第二

京兆韋莊端己

今體詩七十首

不出院楚公

自三衢至江西作

一自禪關開心猿日漸馴不知城郭路稀識市朝人履帶塔前雪衣無寺外塵却嫌山翠好詩客往來頻

江邊吟

江邊烽燧幾時休江上行人雪滿頭誰信亂離花不見只應惆悵水東流陶潛政事千盃酒張翰生涯一葉舟若有片帆歸去好可堪重倚仲宣樓

江南送李明府入關

雨花煙柳傍江村流落天涯酒一樽分首不辭多下淚迴頭唯恐更消魂我為孟館三千客君繼寧王五代孫正是中興磐石重莫將顓頊入都門

送福州王先輩南歸

豫章城下偶相逢自說今方遇至公八韻賦吟染苑雪六銖衣惹杏園風名標玉籍仙壇上家寄閩山畫障中明日一盃何處別綠楊煙岸雨濛濛

夜雪泛舟遊南溪

大江西面小溪斜入竹穿松似若耶兩岸巖風吹玉樹一灘明月曬銀砂因尋野渡逢漁舍更泊前灣上

酒家去去不知歸路遠
棹聲煙裏獨嘔啞

江行西望

西望長安白日遙
半年無事駐蘭橈
欲將張翰秋江雨
畫作屏風寄鮑昭

銅儀

銅儀一夜變霞灰
暖律還吹嶺上梅
已喜漢官今再覩
更驚堯曆又重開
窓中遠岫青如黛
門外長江綠似苔
誰念閉關張仲蔚
滿庭春雨長蒿萊

含香

含香高步已難陪
鶴到清霄勢未迴
遇物旋添芳草句
逢春寧滯碧雲才
紅微幾處花心吐
嫩綠誰家柳眼開
却去金鑾為近侍
便辭鷗鳥不歸來

春雲

春雲春水兩溶溶
倚郭樓臺晚翠濃
山好只因人化石
地靈曾有劍為龍
官辭鳳闕頻經歲
家住峨眉第幾峯
王粲不知多少恨
夕陽吟斷一聲鐘

雲散

雲散天邊落照和
關關春樹鳥聲多
劉伶避世唯沈醉
賓戚傷時亦浩歌
已恨歲華添皎鏡
更悲人事逐頽波
青雲自有鷓鴣待
莫說他山好薜蘿

袁州作

家家生計只琴書一郡清風似魯儒
山色東南連紫府水聲西北屬洪都
煙霞盡入新詩卷郭邑閑開古畫圖
正是江村春酒熟更聞春鳥勸提壺

題袁州謝秀才所居

主人年少已能詩更有松軒掛夕暉
芳草似袍連徑合白雲如鳥傍簷飛
但將竹葉消春恨莫遣楊花上客衣
若有前山好煙雨與君吟到暝鐘歸

謁巫山廟

亂猿啼處訪高唐路入煙霞草木香
山色未能忘宋玉水聲猶似哭襄王
朝朝暮暮陽臺下為雨為雲楚國亡
惆悵廟前無限柳春來空闌畫眉長

鷓鴣

南禽無侶似相依錦翅雙雙傍馬飛
孤竹廟前啼暮雨汨羅祠畔弔殘暉
秦人只解歌為曲越女空能畫作衣
懊惱澤家非有恨年年長憶鳳城歸

宿蓬船

夜來江雨宿蓬船卧聽淋鈴不忍眠
却憶紫微情調逸阻風中酒過年年

送李秀才歸荆溪

八月中秋月正圓送君吟上木蘭船
人言格調勝玄度我愛篇章敵浪仙
晚渡去時衝細雨夜灘何處宿寒煙
楚王宮去陽臺近莫倚風流滯少年

洪州送西明寺省上人遊福建

記得初騎竹馬年，送師來往御溝邊。荆榛已失當時路，槐柳全無舊日煙。遠自稽山遊楚澤，又從廬岳去
閩川。新春闕下應相見，紅杏花中覓酒仙。

建昌渡暝吟

月照臨官渡，鄉情獨浩然。鳥棲彭蠡樹，月上建昌船。市散漁翁醉，樓深賈客眠。隔江何處笛，吹斷綠楊煙。
歲除對王秀才作

酒渴愛江清

酒渴何方療，江波一掬清。瀉甌如練色，漱齒作泉聲。味帶他山雪，光含白露精。只應千古後，長稱伯倫情。
和李秀才郊野早春吟興十韻

暖律變寒光，東君景漸長。我悲遊海嶠，君說住柴桑。雪色隨高嶽，冰聲陷古塘。草根微吐翠，梅朵半含霜。
酒市多通客，漁家足夜航。匡廬雲傍屋，彭蠡浪衝床。綠擺楊枝嫩，紅挑菜甲香。鳳皇城已盡，鸚鵡賦應狂。
佇見龍辭治，寧憂雁失行。不應雙劍氣，長在斗牛傍。

泛鄱陽湖

四顧無邊鳥不飛，大波驚隔楚山微。紛紛雨外靈均過，瑟瑟雲中帝子歸。迸鯉似梭投遠浪，小舟如葉傍
斜暉。鳴榔去後何人到，愛者雖多見者稀。

黃藤山下聞猿

黃藤山下駐歸程一夜號猿弔旅情入耳便能生百恨斷腸何必待三聲穿雲宿處人難見望月啼時鬼
正明好笑五陵年少客壯心無事也沾纓

章江作

杜陵歸客正徘徊玉笛誰家叫落梅之子棹從天外去故人書自日邊來楊花慢惹霏霏雨竹葉閒傾滿
滿盃欲問維揚一作旌陽舊風月一江紅樹亂猿哀

南遊富陽江中作

南去又南去此行非自期一帆雲作伴千里月相隨浪跡花應笑衰容鏡每知鄉園不可問禾黍正離離
饒州餘干縣琵琶洲有故韓賓客宣城裴尚書修行李侍郎舊居遺址猶存客有過之感舊因以

和吟

琵琶洲近斗牛星鸞鳳曾於此放情已覺地靈因昂降更聞川媚有珠生一灘紅樹留佳氣萬古清絃續
政聲戟戶盡移天上去里人空說舊簪纓

九江逢盧員外

前年風月宿琴堂大媚仙山近帝鄉別後幾沾新雨露亂來猶記舊篇章陶潛豈是銅符吏田鳳終為錦
帳郎莫怪相逢倍惆悵九江煙月似瀟湘

南昌晚眺

南昌城郭枕江煙，章水悠悠浪拍天。芳草綠遮仙尉宅，落霞紅襯賣人船。霏霏閣上千山雨，嚶嚶雲中萬樹蟬。怪得地多章白客，庾家樓在斗牛邊。

衢州江上別李秀才

千山紅樹萬山雲，把酒相看日又曛。一曲離歌兩行淚，更知何地再逢君。

湘中作

千重煙樹萬重波，因便何妨弔汨羅。楚地不知秦地亂，南人空怪北人多。臣心未肯教遷鼎，天道還應欲止戈。否去泰來終可待，夜寒休唱飯牛歌。

桐廬縣作

錢塘江盡到桐廬，水碧山青畫不如。白羽飛嚴子，瀨絲養人釣。季鷹魚潭心，倒影時開合。谷口閑雲自卷舒，此境只應詞客愛。投文空弔木玄虛。

東陽贈別

繡袍公子出旌旗，送我搖鞭入翠微。大抵行人難訴酒，就中辭客易沾衣。去時此地題橋去，歸日何年佩印歸。無限別情言不得，回看溪柳恨依依。

寄湖州舍弟

半年江上愴離襟，把得新詩喜又吟。多病似逢秦氏藥，久貧如得顧家金。雲煙但有穿楊志，塵土多無作吏心。何況別來詞轉麗，不愁明代少知音。

信州西三十里山名仙人城下有月巖山其狀秀拔中有山門如滿月之狀余因行役過其下聊賦是詩

驅車過閩越路出饒陽西仙山翠如畫簇簇生虹蜺群峯若侍從衆阜如嬰提巖巒互吞吐嶺岫相追携中有月輪滿皎潔如圓珪玉皇恣遊覽到此神應迷常娥曳霞帔引我同攀躋騰騰上天半玉鏡懸飛梯瑤池何悄悄鸞鶴煙中棲回頭望塵世露下寒淒淒

婺州水館重陽日作

異國逢佳節憑高獨苦吟一盃今日醉萬里故園心水館紅蘭合山城紫菊深白衣雖不至鷗鳥自相尋
避地越中作

撫州江口雨中作

避世移家遠天涯歲已周豈知今夜月還是去年愁露果珠沈水風螢燭上樓傷心潘騎省華髮不禁秋
江上聞衝細雨行滿衣風灑綠荷聲金駟掉尾橫鞭望猶指廬陵半日程

信州谿岸夜吟作

夜倚臨谿店懷鄉獨苦吟月當山頂出星倚水湄沉霧氣漁燈冷鐘聲谷寺深一城人悄悄琪樹宿仙禽
訪潯陽友人不遇

不見安期海上樓寂寥人對鷺鷥愁蘆花雨急江煙暝何處潺潺獨掉舟
東林寺再遇僧益大德

見師初事懿皇朝三殿歸來白馬驕上講每教傾國聽承恩偏得內官饒當時可愛人如畫今日相逢髮已凋若向君門逢舊友為傳音信到雲霄

西塞山下作

西塞山前水似藍亂雲如絮滿澄潭孤峯漸映湓城北片月斜生夢澤南夢澤南夢動曉煙烹紫蕨露和香蒂摘黃柑他年却棹扁舟去終傍蘆花結一菴

齊安郡

彌棹齊安郡孤城百戰殘傍村林有虎帶郭縣無官暮角梅花怨清江桂影寒秦離綠底事撩我起長歎夏口行寄荊州諸弟

迴頭煙樹各天涯發玄星邊遠寄家盡眼楚波連夢澤滿衣春雪落江花雙雙得伴爭如雁一一歸巢却羨鷗誰道我隨張博望悠悠空外泛仙槎

南省伴直

甲寅年自江南到京後作

文昌二十四仙曹盡倚紅簷種露桃一洞煙霞人迹少六行槐柳鳥聲高星分夜彩寒侵帳蘭惹春香綠映袍何事愛留詩客宿滿庭風雨竹蕭騷

鄂杜舊居二首

却到山陽事事非谷雲谿鳥尚相依阮咸貧去田園盡向秀歸來父老稀秋雨幾家紅稻熟野塘何處錦鱗肥年年為獻東堂策長是蘆花別釣磯

一徑尋村渡碧谿稻花香澤水千畦雲中寺遠磨難識竹裏巢深鳥易迷紫萸亂開連井合紅榴初綻拂簷低歸來滿把如澠酒何用傷時數鳳芳

寄江南諸弟

萬里逢歸雁鄉書忍淚封吾身不自保爾道各何從性拙唯多蹇家貧半為慵祇思谿影上卧看玉華峯
投寄舊知

却將顛顚入都門自喜青霄足故人萬里有家留百越十年無路到三秦摧殘不是當時貌流落空餘舊日貧多謝青雲好知己莫教歸去重沾巾

癸丑年下第獻新先輩

五更殘月省牆邊絳旆蜺旌卓曉煙千炬火中鷺出谷一聲鐘後鶴冲天皆乘駿馬先歸去獨被羸童笑晚眠對酒暫時情豁爾見花依舊涕潸然未酬閭澤傭書債猶欠君平賣卜錢何事欲休休不得來年公道似今年

題沂陽縣馬跑泉李學士別業

水滿寒塘菊滿籬籬邊無限彩禽飛西園夜雨紅櫻熟南畝清風白稻肥草色自留閑客住泉聲如待主人歸九霄歧路忙於火肯總斜陽守釣磯

絳州過夏留獻鄭尚書

朝朝沉醉引金船不覺西風滿樹蟬光景暗消銀燭下夢魂長寄玉輪邊因循每被時流誚舊發須由國

士憐明月客腸何處斷綠槐風裏獨揚鞭

綏州作

雕陰無樹水難流雉堞連雲古帝州帶雨晚駝鳴遠戍望鄉孤客倚高樓明妃去日花應笑蔡琰歸時鬢
已秋一曲單于暮烽起扶蘇城上月如鉤

與東吳生相遇

及第後出關作

十年身事各如萍白首相逢淚滿纓老去不知花有態亂來唯覺酒多情貧疑陋巷春偏少貴想豪家月
最明且一作獨對一樽開口笑未衰應見泰階平

庭前桃

曾向桃源爛漫遊也同漁父泛仙舟皆言洞裏千株好未勝庭前一樹幽帶露似垂湘女淚無言如伴息
端愁五陵公子饒春恨莫引香風上酒樓

丙辰年鄜州遇寒食城外醉吟七言五首

滿街楊柳綠絲煙畫出清明二月天好是隔簾花樹動女郎撩亂上鞦韆

淮陰寒食足遊人金鳳羅衣溼麝薰腸斷入城芳草路淡紅香白一群群

開元坡下日初斜拜掃歸來走鈿車可惜數株紅艷好不知今夜落誰家

馬輪風疾玉鞭長過去唯留一陣香閑客不須燒破眼好花皆屬富家郎

雨絲煙柳欲清明金屋人閑暖鳳笙永日一作晝迢迢無一事隔街聞築氣毬聲

宜君一作春縣北卜居不遂留題王秀才別墅二首

本期同此卧林丘，楮爐前擁布裘。何事却騎羸馬去，白雲紅樹不相留。
明月嚴霜撲早貂，羨君高卧正逍遙。門前積雪深三尺，火滿紅爐酒滿瓢。

鄜州留別張員外

江南相送君山下，塞北相逢朔漠中。三楚故人皆是夢，十年陳事只如風。
莫言身世他時異，且喜琴樽數日同。惆悵却愁明日別，馬嘶出店雨濛濛。

病中聞相府夜宴戲贈集賢盧學士

滿筵紅蠟照香鈿，一夜歌鍾欲沸天。花裏亂飛金錯落，月中爭認繡連乾。
樽前莫話詩三百，醉後寧辭酒一千。無那兩三新進士，風流長得飲徒憐。

出關

馬嘶烟草柳陰斜，東去關山路轉賒。到處因循緣嗜酒，一生惆悵為判花。
危時祇合身無著，白日那堪事有涯。正是灞陵春耐綠，仲宣何事獨辭家。

過樊川舊居

時在華州駕前奉使入蜀作

却到樊川訪舊遊，夕陽衰草杜陵秋。應劉去後苔生閣，嵇阮歸來雪滿頭。
能說亂離惟有燕，解偷閑暇不如鷗。千桑萬海無人見，橫笛一聲空淚流。

長安舊里

滿目墻匡春草深傷時傷事更傷心車輪馬跡今何在十二玉樓無處尋

過漢陂懷舊

辛勤曾寄玉峯前一別雲溪二十年三徑荒涼迷竹樹四鄰凋謝變桑田漢陂可是當時事紫閣空餘舊日煙多少亂離無處問夕陽吟罷涕潸然

沂陽間

沂水悠悠去似舩遠山如畫翠眉橫僧尋野渡歸吳嶽雁帶斜陽入渭城邊靜不收蕃帳馬地貧惟賣隴山鸚牧童何處吹羌笛一曲梅花出塞聲

焦崖閣

李白曾歌蜀道難長聞白日上青天今朝夜過焦崖閣始信星河在馬前

雞公幘

去褒城縣二十里

石狀雖如幘山形可類雞向風疑欲闢帶雨似聞啼蔓織青籠合松長翠羽低不鳴非有意為怕客奔齊

韋端已補遺

少年行

五陵豪客多買酒黃金駢醉下酒家樓美人雙翠鵲揮劍邯鄲市走馬梁王苑樂事殊未央年華已云晚

閏月

明月照前除煙華蕙蘭濕清風行處來白露寒蟬急美人情易傷暗上紅樓立欲言無處言但向姮娥泣

閨怨

戚戚彼何人明眸利於月啼粧曉不乾素面凝香雪良人去溜石鏡破金簪折空藏蘭蕙心不忍琴中說

平陵老将

白羽金僕姑腰懸雙轆轤前年蔥嶺北獨戰雲中胡匹馬塞垣老一身如鳥孤歸來辭第宅却占平陵居

乞彩牒歌

浣花溪上如花客綠閣紅藏人不識留得溪頭瑟瑟波潑成紙上猩猩色手把金刀裁彩雲有時剪破秋天碧不使紅霓段段飛一時驅上丹霞壁窗客才多染不供卓文醉後開無力孔雀銜來向日飛翩翩壓折黃金翼我有歌詩一千首磨礱山岳羅星斗開卷長疑雷電驚揮毫只怕龍蛇走斑斑布在時人口滿軸松花都未有人問無處買煙霞須知得自神仙手也知價重連城璧一紙萬金猶不惜薛濤昨夜夢中來殷勤勸向君邊覓

上春詞

曠曠赫日東方來，禁城煙煖蒸青苔。
金樓美人花屏開，晨粧未罷車聲催。
幽蘭報暖紫芽拆，天葩惹艷蝶飛迴。
五陵年少惜花落，酒濃歌極翻如哀。
四時輪環終又始，百年不見南山摧。
遊人陌上騎生塵，顏子門前吹死灰。

擣練篇

月華吐艷明燭燭，青樓婦唱搖衣曲。
白紵絲光織魚目，菱花綬帶鴛鴦綵。
臨風縹緲豐秋雪，月下丁寧擣寒玉。
樓蘭欲寄在何鄉，憑人與繫征鴻足。

長安春

長安二月多香塵，六街車馬聲轆轤。
家家樓上如花人，千枝萬枝紅艷新。
簾間笑語自相問，何人占得長安春。
長安春色本無主，古來盡屬紅樓女。
如今無奈杏園人，駿馬輕車擁將去。

贈峨嵋山彈琴李處士

峨嵋山下能琴客，似醉似狂人不測。
何須見我眼偏青，未見我身頭已白。
茫茫四海本無家，一片愁雲颭秋碧。
壺中醉卧日月明，一作長世上長遊天地窄。
晉朝叔夜舊相知，蜀郡文君小來識。
後生常建彼何人，贈我篇章苦雕刻。

名相盡知音，遇酒遇琴無間隔。
如今世亂獨脩然，天外鴻飛招不得。
余今正泣楊朱淚，八月邊城風刮地。
霓旌絳旆忽相尋，爲我尊前橫綠綺。
一彈猛雨隨手來，再彈白雪連天起。
淒淒清清松上風，咽咽幽幽隴頭水。
吟峰遶樹去不來，別鶴引鷗飛又止。
錦鱗不動惟側頭，白馬仰聽空豎耳。
廣陵故事無人知，古人不說今人疑。
子期子野俱不見，烏啼鬼哭空傷悲。
坐中詞客悄無語，簾外月華庭欲午。

為君吟作聽琴歌為君留名係仙譜

南陽小將張彥硤口鎮稅人場射虎歌

海內昔年狎太平橫目穰穰何崢嶸天生天殺豈天怒忍使朝朝餓猛虎關東驛路多丘荒行人最忌稅人場張彥雄特制殘暴見之叱起如叱羊鳴弦霹靂越幽阻往往依林猶抵拒草際旋看委錦茵腰間不更抽白羽老饕已斃眾雖恐童稚揶揄皆自勇忠良効順勢亦然一劍猜狂散輕動有文有武方為國不是英雄伏不得試徵張彥作將軍幾箇將軍願策勲

雜體聯錦

攜手重攜手夾江金線柳江上柳能長行人戀尊酒尊酒意何深為郎歌玉簪玉簪聲斷續鈿軸鳴雙轂雙轂去何方隔江春樹綠樹綠酒旗高淚痕沾綉袍袍縫紫鵝濕重持金錯刀錯刀何燥爛使我腸千斷腸斷欲何言簾動真珠繁真珠綴秋露沾金盤金盤湛瓊液仙子無歸跡無跡又無言海煙空寂寂寂寂古城道馬嘶芳岸草岸草接長堤長堤人解携解携忽已久緬邈空回首回首隔天河恨唱蓮塘歌蓮塘在何許日暮西山雨

撫盈歌

鳳轂兮駕綃霞疏兮綺寮玉庭兮春晝金屋兮秋宵愁瞳兮月皎笑頰兮花嬌羅輕兮濃麝室煖兮香椒鑾輿去兮蕭屑七絲斷兮沈寥主父卧兮漳水君王幸兮雲輶鉛華窈窕兮穠姿棠公肸鬻兮靡依翠華長逝兮莫追晏相望門兮空悲

歲晏同左生作

歲暮鄉關遠天涯手重携雪埋江樹短雲壓夜城低寶瑟湘靈怨清砧杜魄啼不須臨皎鏡年口易淒淒

秋霽晚景

秋霽禁城晚六街煙雨殘牆頭山色健林外鳥聲歡翹日樓臺麗清風劍佩寒玉人襟袖薄斜凭翠闌干

靈一作席

一閉香閨後羅衣盡施僧鼠偷筵上果蛾撲帳前燈土蝕釵無鳳塵生鏡少菱有時還影響花葉曳香縈

舊居

芳草又芳草故人楊子家青雲容易散白日等閑斜皓質留殘雪香魂逐斷霞不知何處笛一夜叫梅花

邊上逢薛秀才話舊

前年同醉武陵亭絕倒閑譚坐到明也有絳唇歌白雪更憐紅袖奪金觥秦雲一散如春夢楚市千燒作

故城今日皤然對芳草不勝東望涕交橫

和人春暮書事寄崔秀才

半掩朱門白日長晚風輕墮落梅粧不知芳草情何恨只怪遊人思易傷纔見早春鶯出谷已驚新夏鶯

巢梁相逢只賴如澠酒一曲狂歌入醉鄉

使院黃口花

薄粧新著淡黃衣對捧金爐侍醺邊向月似矜傾國貌倚風如唱步虛詞乍開檀炷疑聞語試與雲和必